



Број/Број: 03-/4-50-1-10-21-12/9
Сарајево/Сарајево: 17. 2. 2009. године

ZAPISNIK

21. sjednice Zajedničke komisije za evropske integracije Parlamentarne skupštine BiH

Sjednica je održana 16. 2. 2009., s početkom u 13 sati.

Sjednici su prisustvovali članovi Komisije: Halid Genjac, predsjedavajući, Ivo Miro Jović, prvi zamjenik predsjedavajućeg, Milica Marković, Šemsudin Mehmedović, Rudo Vidović, Zoran Koprivica, Hilmo Neimarlija, Alma Čolo i Selim Bešlagić.

Opravdano su odsustvovali: Branko Dokić, Drago Ljubičić i Azra Hadžiahmetović.

Osim članova Komisije, sjednici su prisustvovali i predstavnici Misije OSCE-a u BiH kao i predstavnici OHR-a.

Sjednici su još prisustvovali Vlatka Dangubić, sekretar, i Vladana Lučić, stručni saradnik u Komisiji.

Komisija je jednoglasno usvojila sljedeći

DNEVNI RED

1. Usvajanje Zapisnika 20. sjednice Komisije;
2. Usvajanje Plana rada Komisije za 2009. godinu;
3. Sugestije za izmjene poslovnika Doma naroda i Predstavničkog doma;
4. Plan održavanja javnih tribina za prvo polugodište 2009. godine;
5. Tekuća pitanja.

Ad. 1. Usvajanje Zapisnika 20. sjednice Komisije

Zapisnik 20. sjednice Komisije usvojen je jednoglasno.

Ad. 2. Usvajanje Plana rada Komisije za 2009. godinu

Nakon rasprave u kojoj su učestvovali: Halid Genjac, Milica Marković, Ivo Miro Jović, Zoran Koprivica, Selim Bešlagić, Hilmo Neimarlija i Rudo Vidović, jednoglasno je usvojen Plan rada Komisije za 2009. godinu.

Povodom usvajanja Plana rada, zaključeno je da predsjedavajući Komisije za narednu sjednicu pripremi Prijedlog plana međunarodnih aktivnosti Komisije za 2009. godinu.

Ad. 3. Sugestije za izmjene poslovnika Doma naroda i Predstavničkog doma

Nakon rasprave u kojoj su učestvovali svi prisutni članovi Komisije, jednoglasno je usvojen Prijedlog izmjena i dopuna poslovnika Predstavničkog doma i Poslovnika Doma naroda. Usvojeni prijedlog Komisije za izmjene i dopune Poslovnika odnose se na odredbe kojima se, u oba poslovnika, reguliraju nadležnosti Zajedničke komisije za evropske integracije i bit će dostavljen ad hoc komisijama Predstavničkog doma i Doma naroda koje pripremaju konačan prijedlog izmjena i dopuna poslovnika domova.

Ad. 4. Plan održavanja javnih tribina za prvo polugodište 2009. godine

Nakon rasprave u kojoj je predsjedavajući Komisije upoznao članove Komisije da je, u saradnji s Programom podrške Parlamentarnoj skupštini BiH Misije OSCE-a u BiH, pripremljen Plan održavanja javnih tribina na fakultetima u Sarajevu, Mostaru, Banjoj Luci, Tuzli i Brčkom, jednoglasno je usvojen Plan održavanja javnih tribina na kojima će članovi Komisije učestvovati tokom prvog polugodišta 2009. godine.

Zaključeno je da se na narednoj sjednici Komisije utvrde datumi održavanja tribina.

Dogovoreno je da se na narednoj sjednici svaki član Komisije izjasni na kojim će tribinama učestvovati (po dvije tribine za svakog člana Komisije).

Ad. 5. Tekuća pitanja

1. Članovi Komisije informirani su o zvaničnoj posjeti delegacije Komisije za evropske poslove Parlamenta Irske, te da će ova delegacija imati sastanak sa Zajedničkom komisijom za evropske

integracije PSBiH u srijedu, 4. 3.2009. S obzirom na značaj ovog susreta, svi članovi Komisije pozvani su da prisustvuju sastanku.

2. Članovi Komisije informirani su o održavanju Konferencije pod nazivom „2009. – evropska godina za Balkan“, koja će biti održana 10. 3. 2009. , a koju organizira Evropski pokret za BiH u saradnji s Parlamentarnom skupštinom BiH.

3. Na inicijativu Zorana Koprivice, usvojen je zaključak da se pisani izvještaj o sastanku članova Komisije s Jelkom Kacinom, članom Evropskog parlamenta, koji je održan 13. 2. 2009., dostavi Zajedničkom kolegiju PSBiH.

Sjednica je završena u 14 sati.

Predsjedavajući
Zajedničke komisije

Halid Genjac